



Alexandra
by demiana ___

رويه ألكسندر
الكاتبه دميانه

الفصل الاول

لااااا لا ماما بابا متسبوناش لوحدنا أنا و ليلي و عمر
متموتوش, انا عايزكم في حياتي

في واحد بيخبط علي كتف ادهم و قال " قوم لازم
نوديهم المستشفى يالا بسرعه".

ادهم:بس هما ماتوا أنا متأكد نبضهم وقف بس خد
اخواتي هما اغم عليهم

قال انا مصطفى أنا لازم ابغ القوات تعالي معايا علشان
تركب مع الإسعاف و أنا هتصرف.

ادهم ركب مع الاسعاف من غير ما يقول كلمه و اخواته
فاقوا التلاته ساكتين لحد لما مصطفى جالهم و قال أنا
لازم اسألکم شويه اساله عايز اعرف اي الي حصل
بالظبط

ادهم: كنا في العربيه و في ناس هجمت علينا و كانوا
في طياره و بابا على فكره بيشتغل في المخبرات و

هو كان في اجازة و بابا قلنا انه كان هياخد ليئا بيت
بس انا مش عارف بالضبط هو فين بالضبط بس هو قال
في القاهرة

مصطفى خالص استجواب و تابع قائل تعالوا أروحكم
البيت و هاجلكم بعدا

عدي اسبوع و مصطفى رايح جي عندهم مسبهمش
خالص

قال: أنا حبتكم و أنا مش هقدر اسبكم لو حدكم لأن
الحراسه الي عليكم هتمشي وانتوا لسه صغيرين أنا
عندي ولد و بنت هما تقريبا في عمركوا تعالوا اقعدوا
معاهم لحد لما ترتاحوا و حد من عيلتكم يعرف و
يكلمكم أو لو عايزين تقعدوا علي طول أنا موافق.

عدي يوم و اراه يوم
أدهم بعد تفكير قال لاختواته أنا موافق نروح نعيش
معاه لو انتو موافقين
عمر و ليلي: تمام بس لو مرتحناش هنمشي علشان

ممکن یکونوا ناس مش حلوه زي ماهو باين

ادهم: تمام اتفقنا قوموا حضروا حاجتکم الي هتخدوها
معاکم و أنا هکلم انکل مصطفى

مصطفى فرح لما عرف أنهم وافقوا و اخدهم لبيته بعد
لما حکلهم عن ولاده الڪس و عمرو و مراته.

ادهم

فرحت بالكلام الي هو قاله وانبسط أنهم قد اخواتي
علشان يسعدوهم و يلهوهم في تفكير موت بابا و ماما
لانهم اڪيد لما بيفتكروا بيتضايوا كده أنا اتاكدت أن
قراري صح

عمر و ليلي فرحوا جدا اه مانسيوش موت باباهم و
مامتهم بس الخبر فرحهم و شال حزنهم شويه

وصلوا البيت و اتعرفوا علي بعض و وراهم غرافهم و
أكلوا مع بعض و ارتاحوا لبعض و انبسطوا جدا

ادهم و عمر و ليلي و الكس و عمرو هما الخامسة قعدو
مع بعض بعد الاكل يلعبوا و مصطفى فهم عياله قبل لما
يجي معاهم اي الي حصل وقال لهم يحاولوا يخففوا
عليهم, و ان ادهم من النوع الي مش بيتكلم كثير

مصطفى لادهم: دلوقتي عدي شهر و مفيش حاجه
حصلت، أنا عايزك تقعد معانا دايمًا انت و اخواتك بس
لو مش عايز قولي و أنا اتصرف و نسيت اقلك فعلا
ابوك يوم الحده كان هيروح البيت الي في القاهره زي
مانت قلت انا عرفت أنه اشتراه ده غير البيت الي في
الهرم اي وده المفتاح بتاع البيتين و الحساب الي في
البنك قولي اعمل اي وكده و كمان بما اننا عارفين أن ده
ابوك فاعيزنك تيجي معانا للبنك عشان التأمين و كلمه
السر و الرقم و حاجات تانيه كده عشان الآمن و كمان
متنساش تشوف اخواتك و تقولي

أدهم: أنا هقولك بعد بكره

مصطفى: طيب علي راحتك وانا هكون معاك دايمًا

ادهم طلع يفكر وبعده شويه الباب دق و قال اتفضل

طلعت الكس

ادهم:خير في حاجه قوليلي

الكس:أنا كنت عايزه اتكلم معاك ممكن

ادهم: اتفضلي اتكلمي شاور لها عشان تقعد

الكس: انا عايزه اقولك انت و اخواتك لما جيتم البيت
أنا انبسط لأن أنا معنديش صحاب و اخوات بنات فانا
انبسط لما اختك جت و اخوك وانت كمان وقعدنا مع
بعض ونلعب مع أن باباك و مامتك اتوفوا,و بقنا
عايشين مع بعض حوالي شهر, براحتك طبعاً بس
متمشيش عشان متقعدش لوحدك و كمان عشان
اخواتك ميحسوش بالنقص و عشان أنا بقي عندي
أصحاب مش عايزه اخسرهم بس ده الي أنا جيت
اقولهاولك

ادهم:طيب ماشي و شكرا علي كلامك و صداقتك بيا أنا
واختي و اخويا أنا معنديش مشكله بس هسائل
اخواتي الاول

الكس: اشطا باي باي يا ادهم

أدهم : سلام يا الكس

ادهم قعد يفكر و بعد شويه ندي لي اخواته و سألهم
علي رأيهم في كلام الكس

ادهم: ها قولتوا اي

ليلي: أنا معنديش مشكله بس لما اكون عايزه نمشي
ممکن نمشي مش دلوقتي بس يعني فاهمني

ادهم: ايوه فاهمك يا ليلي لو عوزتي اي حاجه قولي من
غير تفكير سمعتي والا

ليلي: سمعت يا احلي اخ في الدنيا

ادهم : ماشي تعالي نسال عمر يا عمر اي رايك

عمر: أنا موافق ماشي بس هنعمل ايه في المدرسة
وكده

ادهم: متقلقش أنا معايا فلوس و هنكمل دراستنا و
هتكون دكتور زي مانت عايز و ليلي هتكون مهندسه
كمان زي ما هي عايزه انشاء الله

تاني يوم مصطفى سال ادهم هيعمل ايه

ادهم: ماشي احنا هنقعد بس لما نعوز نمشي هنمشي و
كمان عايز حضرتك تساعدني في موضوع كدا

مصطفى: أنا فرحت اوي لما وافقت و أنا هساعدك تعمل
كل حاجه عايز اي قولي

ادهم: بعد الاجرائات بتاعه البنك عايز اروح الشقه الي
في القاهره و الشقه الي في الهرم و اخد اخواتي معايا
و كل واحد فيهم يختار له شقه و تتكتب باسمه و
الفلوس الي في البنك تتقسم علينا و نجيب هدمنا و
نرجع المدرسه تاني عشان نكمل دراستنا

مصطفى: ادهم أنا مبسوط بيك بس مينفعش تتحمل
كل المسؤوليه ده كلها لوحدهك أنا هعمل كل الي انت
قولت عليه و تعالي نكمل اجرائات البنك و لو سمحت

اتكلم معايا وقولي علي كل حاجه و اعتبرني واحد من
علتك عايز تقول حاجه ثاني
أدهم: لا وشكرا على الي عملته معايا ومساعدتك ساعه
الحدثه شكر أنا مش هنسي وقفك جمبي ابدأ

خلصوا الاجرائات و رجعو البيت و اتغدو و استريحو
وادهم قال لاخواته أنهم هيروحو الشقه و كل واحد
يختار هو عايز اني واحده و راحوا شقه الهرم و أخذوا
الي هما عايزينه وبعد كده راحوا شقه القاهره و بعد
كده روحو البيت و لعبوا و كلوا العشاء و كل واحد راح
ينام و ادهم كلم اخواته و قاللهم و اختاروا شقه الهرم
لأما القاهره !!

ليلي: الي في الهرم

عمر: وانا الي في القاهره بس ليه بتقول نختار يعني!!

ادهم: عادي يالي كل واحد يروح علي النوم عشان
تصحو بدري و تذاكروا عشان المدرسه بعد بكره هنروح
نفس مدرسه الكس و عمرو تصبحوا علي خير

ليلي و عمر: و انت من أهله باي

طلع من الغرفة و راح لمصطفى الغرفة و دق الباب

مصطفى: اتفضل

ادهم: ممكن نتكلم

مصطفى: اتفضل خير في حاجه

أدهم: عايز حضرتك تكتب الشقه الي في القاهره لي
عمر و الي في الهرم لي ليلي و كمان عايز اتأكد أن
حضرتك سجلتنا في المدرسة زي ما حضرتك قولت و
كمان قسمت الفلوس بالتمام

مصطفى:ايوه عملت كل ده وقلت لك متحملش
مسؤولية كبيرة أنا هتصرف قولي عايز حاجه ثاني
و هما لسه صغيرين ف مفيش حاجه باسمهم هما بس
هتتورث لما يتمتوا السن القانوني ليهم تلقائيا

ادهم: لا شكرا حضرتك عايز حاجه مني

مصطفى:لا بس صحيح مني مراتي جايه بكره أنا

هظبط الشقه و ازينها ممكن تقول لي الكس و عمرو و
ليلي و عمر عشان عايزها تنبسط عشان اتخنقنا الصبح
مع بعض ممكن

ادهم: حاضر و أنا هساعدك ممكن تقول لي علي الالوان
الي هي بتحبها و حجات عنها عشان أنا في الشهر ده
معرفتهاش كويس يعني

مصطفى: لو مش هتضايق ساعدني و ممكن تسأل
الكس هي هتقول لك لو عوزت اي حاجه قولي و أنا
هعملهاك

ادهم: أنا مش عايز حاجه دلوقتي أنا همشي دلوقتي
عشان اجهد الحاجه تصبح علي خير

مصطفى: وانت من اهل الخير

أدهم راح لغرفه الكس و دق الباب محدش رد خبط
تاني محدش رد كان هيمشي بس لقي الباب انفتح و
الكس قالت اتفضل

أدهم لف لها و قال اسف انا فكرتك لسه صاحيه

الكس : أنا لسه منمتش متتاسفش أنا الي اسفه لاني
مفتحتش الباب بسرعه عايز حاجه

ادهم: مامتك جايه بكره و عايزين نفاجاها وانا جيت
عشان اقولك و كمان عشان عايز اعرف هي بتحب اي

الكس: تعالي اتفضل ادخل الغرفه

ادهم : لا أنا هروح اقول لي اخوكي و اخواتي قبل
يناموا وانت في الوقت ده اكتبني في ورقه

الكس : تمام روح وانا هخلص و اجبهالك سلام

ادهم : سلام

ادهم راح لعمره و قاله و بعد كده راح لليالي و عمره و
قال لهم و قال لهم يساعدوه لما يعوزهم لأن هما بيعرفو
يعملوا حجات هندسيه حلوه جدا وقال هيسبهم عشان
شويه و يصحو عشان يسعدوه قبل لما توصل و كمان

عشان يذاكرو عشان الصبح ممكن ميعرفوش يذاكروا
بسبب الحفله

بعد لما قاللهم راح لغرفته بي فكر هيعمل اي و كمان
مستني الكس تجيب الورقه بعد شويه قام يعمل قهوه
و شربها و بدأ يجهز الحاجه و الكس جابت الورقه و
قالت له أنا هساعدك قول اعمل اي وانا هعمل

أدهم: لا أنا مش عايزك تساعديني شكر

ادهم رفض لأن عرف أنها مضايقه و الورق عليها دموع
ف عشان كده, بس بعد كده فكر أنه لازم يساعدها تكون
مبسوطه فقرر أنه يوافق علي انها تساعده يمكن تروق

قالها بصي روقي و ظبطي الدنيا و اكون عملت الزينه و
بعد كده تعلقها يكون صحي اخواته عشان بقيت
الديكور و بعد كده يعملوا الكيك والحلويات
والمشروبات و الاكل

اتفقوا و بداو يعملوا الي قالو عليه و هو خالص عمل
الزينه و هي خلصت ترويق و اخوها نزل يساعدهم و

ادهم طلب منه أنه يروح يصحي ليلي و عمر و طلع
يصحيهم وبعد كده هما التلاته عملوا الديكور و في
نفس الوقت ادهم كان بيعمل مشروبات و الكس بتعمل
اكل

ادهم قال يفتح معاها حوار وقال انت بتعرفي تطبخي
من امتي

الكس مش عارفه بالظبط بس من بدري

أدهم: طيب مين الي علمك !!

الكس: ماما, وانت مين الي علمك تعمل المشروبات دي!

ادهم: أنا كنت بتفرج علي بابا و هو بيساعد ماما ف
اتعودت اعمل محدش علمني

الكس: طيب تمام بتعرف تطبخ !؟

ادهم: حاجات خفيفه بس بعرف اعمل كيك بكل أنواعه

الكس بضحكه قالت تمام انت الي هتعمل الكيك بقي

ادهم بابتسامه: اتفقنا

إخوتهم جم و قالو انهم خلصوا بس مش عارفين
يحطوا الي عاملوه بقيه الزينه الي عملوها فين

ادهم قال أنا قربت اخلص ثانيه و هاجي

راح معاهم و خلصوا و البيت كان جميل اوي بعد كده
قال لهم يروحوا عشان يذاكرو قبل لما تيجي و كل
واحد راح يذاكر الي عليه

ادهم رجع علي المطبخ ولقي الكس بتعيط عمل صوت
عشان تعرف أنه موجود و سألها اذا خلصت الاكل

ردت وقالت اه خلصت

قال لها طيب ماشي أنا عايز الحجات ده عشان اعمل
الكيك ممكن تساعدني
هي جابت الحاجه و عمل الكيك و حطه في الفرن و
قعدوا لحد لما الكيك يتعمل

ادهم قال: لو عايزه تقولي اي حاجه أنا سمعك وعلي
فكره انا عندي قوه ملاحظه قويه ف أنا عارف انك

بكي تي علي الورقه و اتاخرتي عشان كده و كمان وانت
بتعملي الاكل من شويه, احكي لي انتِ قولتي أنا صحاب
احكي أنا زي اخوكي الكبير احكي لي
و هو بيتكلم راح قفل علي الكيك و قعد و هي بتعيط
بس مسحت دموعها و قالت مفيش حاجه بس الصراحه
هو في بس انا مش قادره اتكلم و لو سمحت متقولش
اني عيظت أنا هطلع اذا كر قبل لما ماما تيجي لأن
الامتحانات قربت و كمان عندي درس فلو عايز حاجه
ابقي قولي سلام

و طلعت ادهم ملحقش يرد عليها قام اتأكد أن كل
حاجه تمام و راح شاف اخواته لأقاهم خلصوا مذاكره و
يلعبو مع عمرو و هو كمان خلص مذاكره ادهم قعد
معاهم و بعد كده قال لهم يروحوا يناموا شويه
و بعد كده عدي علي الكس الباب كان مفتوح و هي
كانت بتذاكر بس متعصبه بسبب انها مش عارفه تحل
مساله رياضه ف خبط علي الباب و قالت هي: اتفضل
يا أدهم

ادهم: انا اسف لاني ضايقتك

الكس:أنا آسفة لاني عيط قدامكو لاني كلمتك كده و
اسفه لاني مشيت من غير ماسمعك

ادهم :تؤ أنا الي اسف لاني اتدخلت بس كنت فاكر أنا
صحاب انتي مش غلطانه في حاجه و ده بيتك انت
عيطي زي ما انت عايزه في اي حته بس برضو لو عايزه
تقولي أنا سامع و صحيح اول لما دخلت انت كنتي
متعصبه قوليلي اي الي وقف قصادك واقلهولك

الكس : مسألة في الماث

ادهم :وريهالي

ادهم ذاكر معاها و خلصوا و قال لها تنام لأن الوقت
اتاخر و هو كمان هيروح ينام

في الصباح ادهم صحي و صحي ليلي وعمر و بعد
شويه ادهم عمل فطار ليهم و كلوا مصطفى صحي
بعدها و عمرو و ادهم كان عامل حسبهم في الفطار و
كلوا

مني وصلت و اتفاجات, داقت الكيك الي ادهم عمله و
الاكل الي الكس عملته و عجابها جدا كل التفاصيل
هي جت حوالي الساعة 12 و الكس منزلتش قالو مش
عارفه أن أمها وصلت بس ادهم قال إنها كانت بتذاكر
معاها لحد وقت متأخر ممكن تكون لسه مصحيتش
قعدوا و اتفرجوا علي فيلم و بعد كده جهزوا الصفره و
حضروا الاكل و المشروبات الي ادهم عمالها و مني
قالت ل عمرو ينادي أخته بس هو قال أنا مش عايز
اروح أنا مش هطلع

الفصل الثاني

راح مصطفى قال لادهم: اطلع انت ناديها معلش هتعبك
معايا

ادهم: لا عادي اقول لها اي

مني: اقول لها مامتك جت تحت من بدري وانت
منزلتيش انزلي دلوقتي عشان ناكل مع بعض

ادهم: حاضر

أدهم طلع و دق علي الباب محدش رد مني و مصطفى
قالو لي: ادهم خبط تاني لو مفتحتش الباب ادخل

و أدهم دق الباب بس مفتحتش دخل الغرفه ملقهاش
فيها نزل قال لهم

مني: هي راحت فين !!

مصطفى: أنا هر

ملحقش يكمل الكلمه حتي و الكس دخلت و في أيداها
شنتطين

مني: انتي كنت فين ؟

مصطفى:اي الي خالكي تطلعي من البيت من غير اذن
و اي الي في ايدك ده !؟

الكس: هحكلكم أنا باليل ذاكرت مع ادهم وبعد لما
خلصنا هو راح ينام و بعد كده ذاكرت ثاني و قعدت
اكتب قصه ببص في الساعه لقتها تقريبا 7 و اخت شور
و عملت فطار و كلت و كملت القصه لاني مكنتش
خلصتها و فكرت اني اجيب هديه ف لبست ونزلت
كتبت ورقة بس الظاهر أن مفيش حد شافها

مني: حصل خير بس متعمليش كده ثاني

مصطفى: قولنا جبتي اي و لمين

الكس: انا جبت هديه لماما و حضرتك و لادهم و عمر و
ليلي و عمرو يعني ليكوا كلوت اتفضلو بقي و قولولي

اي راايكم
كل واحد فتح الهديه بتاعته و عمرو طلعت عربيه الي
هو كان عايزها و مني و مصطفى طلعت بلوره فيها
عائلة و هديه ليلي كانت فستان اما عمر و أدهم نوع
من اللبس الي بيفضلوه

مني: أنا فرحت اوي حبييتي شكرا

مصطفى:شكر ليكي يا قمر أنا انبسط اوي بس قوليلي
ده بالفلوس الي انتي خاتيتها للموبيل

الكس:ايوه و اسفه جدا لاني صرفتهم بس كنت عايزه
افرحكم و الفون ف قررت اني مش عايزا يعني دلوقتي

مصطفى:عادي ولا يهملك ابقى قوليلي نوع الموبيل الي
انت عايزاه وانا اجبهولك و ثاني مره قوليلي و أنا
اديكي الفلوس الي انت عايزاها

الكس:حاضر يا بابا

عمرو:اختي حبييتي أنا بحبك اوي

الكس: وانا كمان بحبك اوي
ليلي: شكرا يا اختي و صحبتي و أنا فرحت اوي

راحو ليلي و الكس يحضنو بعض و الكس قالت:انتي
اختي مفيش شكر بينا

عمر: الهديه جميله اوي شكرا

الكس بابتسمه: انت اخويا

ادهم: شكرا الهديه جميله و شكرا لانك افكرتيني بس
انا مش عايزها أنا آسف مكنش لازم تجبيها

الكس: انا خلاص اشترتها و غير كده أنا هزعل لو
مختهاش

ادهم: متزعليش بس انا ...ملحقش يكمل كلامه و

مصطفى قال:يا ابني خدها من اختك متكسفهاش
و مد أيده و قاله: روح البسه عشان لو في حاجه في
المقاس و انتي يا ليلي اطلعي قيسي الفستان و انت يا

هما لو عاوزين يروحوا يروحوا الي يريحهم
مصطفى: يا ابني انت بتعمل كده ليه ؟ تعالي نروح مع
بعض ليه دايمما بتفكرني انك مش ابني و مش عايز
تخطلت معنا

أدهم: أنا آسف اني حسستك ب ده بس انا فعلا مش
ابنك و كمان مش عايز اتقل عليكم كفايه كل الي
عملتوه علي شاني وعشان ليلي و عمر شكرا ليكم و
اسف لو ازعجت حد فيكم

مصطفى: علي فكره انا بعترك ابني مش واحد زي ابني
و كمان في حاجه مردتش اقولها لك أنا كنت من صحاب
ابوك في الكليه و أنا و هو كنا اخوات مش بنقول أننا
اخوات احنا كنا بنعمل كل حاجه الاخوات بيعملوها و
اشتغلنا مع بعض كثير بس في حاجه حصلت و
معرفةش أوصله و بعد فتره عرفت أنه جاي القاهره
فقولت ارحله وعلي فكره انا الي كان المفروض يقول
لابوك أنه انكشف بس انا معرفةش أوصله و لما عرفت
هو رايح فين روجت من الطريق الي انت كنت فيه و
عرفت أن انت ابنه و اني وصلت متأخر و سألتك عنك و
عن ابوك عشان اعرف اي حصل مكنتش عايز اقولك

عشان انت هتفكر اني خنت ابوك بس ده كان غضب
عني لأن في الوقت الي عرفت فيه مكنتش هنا كنت مع
العصابه وساعتها عرفت أنه اتكشف زبي و لما هربت
مكنتش معايا موبايل فكان لازم اوصل لمكان الشغل
الاول عشان اعرف أوصله وبعد كده عرفت الطريق و
طول الطريق كنت برن بس محدش رد عليا للاسف
اسف لاني وصلت متأخر سامحني لاني قولتك متأخر
بس مكنتش عارف رده فعلك ممكن تبقي عامله ازاي

أدهم: الموبايل كان ساعتها معايا أنا و معرفتش بيشتغل
ازاي, سألت بابا بس ساعتها الطيارة هجمت علينا أنا
أسف لاني مسكت موبايل بابا مكنتش عارف أن ده بتاع
الشغل و علي فكره انا عندي 16 سنه يعني لو كنت
قولتلي كنت هفهم أنا آسف

مصطفى: أنا الي آسف

مني بعد ما راحت لهم قالت: خلاص في اي كل دا
بتوكلموا قلبتوها كئابه كده ليه اسفه يا ادهم لأن باباك
و مامتك ماتو بس ده بيد ربنا وحده و دي اراده ربنا و
انشاء الله يعوضك الي خسرتة انت و اخواتك متزعلش

اكيد ده احسن انت متعرفش اي الي كان ممكن يحصل
لو محصلش كدا اشكر ربنا على كل حاجه لان كله للخير

ادهم :أنا عارف أن كله بيد الله وحده واكيد كله للخير و
الحمد لله علي كل حاجه و اسف لاني ازعجتكم و يا
عمو ممكن تبقي تحكي لي علي المهمه الي انت و بابا
كنتو بتشتغلو عليها اه صحيح هو انت الذئب الي بابا
كان بيقولي عنه !!

مصطفى: ايوه ده أنا بس متقولش لحد وانتو كمان و
حاضر هبقي احكيك

ادهم :مش هتسال ازاي أنا عرفت ده ؟

مصطفى :لا مش هسال لاني عارف أن باباك بعد كل
مهمه بيقول لك عليها بتفاصيلها الي محدش مفروض
يعرفها

ادهم :مش هتقول أن بابا خاين لانه بيقول لي على
المهمات!!

مصطفى : لا مش هقول أنه خاين و مستحيل انطقها
لاني عارف ابوك كويس جدا و قولت لك أن احنا اخوات
و علي فكره هو بيقول علي الي ينفع يتقال بس مش
بيقول كل التفاصيل و يالا قرر هتيجي معانا والا لا و أنا
هسيبك براحتك اعمل الي انت عايزه لانك ابني أنا
عارف انك مش ابني بس انا خلاص اعتبرتك ابني

ادهم: أنا مش عايز اروح عشان في حاجات لازم عملها
و كمان لما تخرجوا بره البيت متنسوش الكمامه و
الكحل و خلي بالكم من بعض

مصطفى: طيب ماشي خلي بالك من نفسك يالا جاهزين
والا لسه

الكس: وانا كمان يا بابا عايزه اجهز نفسي عشان
المدرسه و المسابقة مش هينفع اروح معاكم

مني : طيب خليك و ياريت نجي نلقيكي في البيت و
لو عوزتي حاجه رنى عليا أو علي بابا و لو عايزها
ضروري قولي لاخوكي ادهم معلش يا ادهم هنتقل
عليك و انت كمان لو عززت حاجه قول لنا أو لو عايز

تاكل او تشرب خلي الكس تعملك
ادهم: عادي مفيش تقل ولا حاجه شكرا

عمرو: وانا يا بابا مش عايز اخرج عايز العب بالعربيه
الجديده

ليلي: و أنا يا عمو مش عايزه اخرج عايزه اقعد مع ادهم
و كمان في حجات لسه مخلصتهاش

عمر: وانا كمان مش هخرج زيهم مش عايز اخرج
لوحدي من غيرهم

مني: خلاص مش هروح أنا كمان

مصطفى: اكيد مش هروح لوحدي

ادهم و الكس في نفس الوقت: طيب روحو انتو الاتنين
مع بعض

بصوا لبعض بعدا قالت الكس: اتفضل يا ادهم اتكلم انت

ادهم :لا اتكلمي انت في الاول
الكس: يا ماما و بابا اخرجوا انت الاتنين مع بعض واحنا
كلنا هنا هنكون مع بعض و لو حد عايز حاجه الثاني
هيعملها لولا وانت يا ادهم كنت هتقول اي

ادهم :كنت هقول نفس كلامك روحو انتو الاتنين و
اتصالحو

مصطفى موجه كلامه ل مراته قال: انت اي رايك

مني : خلاص ماشي بس الي انت عايزه .

مصطفى : هو أنا اقدر يكون ليا فرصه اروح مع القمر و
مرحش خلاص يالا أنا هطلع اضبط العربية متتاخاريش

مني : حاضر أنا هاجي وراك

مصطفى راح عند العربيه و مني قالت لهم : متتخنقوش
و العبو مع بعض و لو عوزتوا حاجه قولو لبعض و خلي
بالكم من نفسيكم و لو في حاجه قولولي يالا سلام

مصطفى و مني مشيو و كل واحد راح يعمل حاجه و

الكس دخلت غرفتها و عمر و عمرو يلعبو مع بعض و
ليلي دخلت تذاكر و تجهز ادهم استني شويه و راح
يشوف اخواته بتعمل اي و بعد كده راح لغرفه الكس و
قعد معاها و بعد كده قال لها : صحيح ممكن تقولي لي
علي المسابقة الي انت قولتي انك بتجهزي علي شأنها
هي عبارة عن اي !؟

الكس: ده مسابقة في المدرسة كل واحد بيعرف يكتب
بيكتب قصه و بعد كده بيقيموها و بيعطونا جائزة في
الاخر و شهاده تقدير و أنا بحاول اكتب قصص مختلفه
و بعد كده بدلوهم احسن قصه شايفه أنا حلوه بس و
في مسابقات تانيه بس ده المسابقة الي متوفرة حاليا

ادهم: ربنا معاكي ويوفقك ممكن القصه الي خلصتي
كتاباتها تتدهالي لو سامحتي لو مش عايزه عادي قولي

الكس: أنا مبسوطه انك هتقراه بس في واحدة لسه
مخلصتهاش بعد لما اخلصها هديها لك بس لو عايز في
واحدة بس حاساها أنها وحشه بس انت اختار لو هتستنا
والا عايز تقراء الي خلصتها

أدهم: هاتي الي انت خلصتها بس أنا هروح اقراها في

غرفتي لو معندكيش مانع

الكس: طيب حاضر ثانيه و هجبها و براحتك لو عايز
تخلص الي كنت هتعمله عادي أنا مش مستعجله عليها
اتفضل

ادهم: شكرا عل فكره انا كنت هقول لك ينفع أقرأها
بعد لما اخلص شكرا كملي الي كنتي بتعمليه و اسف لو
ازعجتك و شكرا علي اللبس عجبني

الكس: أحنا صحاب فطبيعي اعرف انت بتفكر ازاي و
علي فكره انت مازعجتنيش و مفيش شكر بين الاخوه
و الاصدقاء

ادهم: طيب سلام و لو عزتي اي حاجه قوليلي علي
طول اتفقنا

الكس: اتفقنا

ادهم راح الغرفه و قعد وقال هيعمل ايه الاول لأنه من
الناس الي بتخطط و بعد كده تعمل,خلص تخطيط
وبعدها ذاكر,خلص تحضير حجاته و بعد كده راح
لاخواته و هما كمان كانو مخلصين مذاكره و ساعدهم
يخلصوا تحضير حجات المدرسه و بعد كده رتبوا كل

حاجه في مكانها و حضرو العشاء و دخلوا ياخذوا شور
و بعد كده و أدهم ضبط الصفرة و ندا علي الكل و كلو
مع بعض و أدهم بعد لما خلص أكل حط لهم عصير و
بعد كده كلهم خلصوا و شالو الاطباق و غسلوهم و بعد
كده قرر عمر أنهم يعملوا تمارين مع بعض و الكل وافق
قررنا يعملوها في الجنيه و كل واحد طلع يلبس لبس
الرياضه و نزلوا, أدهم و الكس واقفين في المقدمة و
عمر علي اليمين و ليلي في النص و عمرو علي الشمال
و بداءو يعملوا تمارين و أدهم اول لما خلص بس علي
الكس عادي و حس انها جميله اوي حتي و هي عرقانه
من التمارين كدا,

الكس كانت طويله و جسمها رشيق لانها كمان بتلعب
سباحه و شعرها اسود و متوسط الطول ناعم, اما ادهم
فكان رشيق لانه كل يوم بيلعب رياضه و بيلعب ايس
اسكيتنج و العاب الدفاع عن النفس و طويل و شعره
طويل شويه لانه كيرلي, ليلي و عمر كمان بيلعبو العاب
الدفاع عن النفس و عمرو كان بيلعب كره السله
يعني كلهم رياضيين لأن مصطفى و محمد اتفقوا من
زمان يخلو عيالهم يلعبوا رياضه عشان لو حصل اي
حاجه و كمان عشان صحتهم, ف الرياضه مهمه جدا
أدهم حس أنه لازم يمشي و أنه عرق كثير فلازم

يستحما فقال: الي عايز يستحمل يخش عشان بعد لما
يطلع هينيمهم عشان المدرسه لانهم هيصحوا بدري

دخل الحمام واخذ شور و حس بحاجه غريبه و هي
مشاعره اتجاه الكس, حس أنه بجد حبها و في الاول
كان معجب بيها بس هو حاسس ان في حاجه غلط
مش عارف يعمل اي, خلص الشور ولبس منشفش شعره
كالعاده, خرج لغرفه اخواته و دخل لقي عمر بيستحمي
و أخته بتصرح شعرها و قالت له :اي ده يا أدهم اي ده

أدهم: في اي هو اي الي اي ده بتكلمي علي اي انت

ليلي: اي الجمال ده يخربيت كده أنا مش فهمه انت قمر
طالع لمين

أدهم: اولاً أنا مش قمر و حاجه ثانيا متقوليش يخربيت
كده ثاني مفهوم والا لا

ليلي: حاضر يا ادهم بس اي الجمال الي جه فجاه ده

أدهم:مش يابنتي قولتلك

قطاعه كلامه ليلي لما قالت: مين الي قال إني بتكلم
عليك دلوقتي أنا بتكلم علي القمر الأصلي الي وقف و
راك دا

ادهم بص وراه لقي الكس واقفه و شعرها مبلول زيه

ليلي قالت: أنا مش فاهمه انتو الاتنين جمال كده ليه و
بتسيبو شعركم مبلول ليه ها أنا كده هغير على فكره

ادهم: انا طول الوقت متعود بعد لما استحمه مبنشفش
شعري و بعد كده هتغيري من اي مانتني عندك شعر
جميل جدا اشكري ربنا

ليلي: الحمد لله أنا مقولتش حاجه بس بهزر

الكس: أنا اسفه لاني جيت بس بعد لما اخت شور
معرفتش أصرح شعري و قلت اجي اكيد ليلي هتعرف
تعمله ممكن تساعدني

ليلي: تعالي هاحاول اعمله

في الوقت ده أخوها عمرو جه يقعد معاها و بعد شويه
عمر جه هو كمان

ادهم: طول الوقت ده بتعمل اي ف الحمام ها

عمر: كنت اكيد بستحمي او مال هعمل اي يعني

الفصل الثالث

ادهم: خلاص ماشي بس مطولش كده تاني, عايزا
حاجه جهزت كل حاجه والا لسه

عمر: لا شكر و كله تمام

ادهم: خلاص روح نام تصبح على خير

عمر: وانت من أهله

أدهم: وانت يا عمرو عايز حاجه و اتأكد من كل حاجه
انها جاهزه, لو عايز حاجه قولي

عمرو: لا شكرا و اه أتأكد و كله تمام و حاضر لو عوزت
حاجه هقولك

ادهم:طيب روح نام و تصبح على خير

عمرو: وانت من اهل الخير تصبحي علي خير يا الكس و
يا ليلي

الكس و ليلي : وانت من اهله

ادهم : في اي كل ده مش عارفه تسلكيه ليه انشاء الله

ليلي : أنا حولت بس مش عارفه اعمل اي حاجه مش
عارفه اتعاقد كدا ازاي

الكس :طيب خلاص انا هتصرف واعمله، عايزا حاجه
مني

ليلي : لا شكرا تصبحي علي خير

الكس : وانت من اهله لو عوزتي حاجه قوليلي و انت يا
ادهم تصبح على خير ولو عايز حاجه قولي عادي يعني

ادهم:وانت من اهل الخير و اه تعالي اسرحلك شعرك
على الأقل احاول بس اعمله بره عشان ليلي تنام تمام

الكس : ماشي تمام

ادهم : تصبحي علي خير يا ليلي و ياريت تنامي بسرعة

ليلي و انت من اهل الخير و حاضر هنام اهو اقفل الباب
وراك

ادهم :حاضر سلام

ادهم و ليلي قعدوا في الصاله و بيحاول يعمله و في
الاخر عمله و ساعتها مني و مصطفى دخلو البيت و
الكس قالت لامتها تكمل بداله و تعمله ضفيره عشان
تنام

أدهم قال لهم تصبحوا علي و طلع ينام

بعد ما الكس خلصت كانت هتطلع مصطفى قال لها
تعالى و قدم لها هو و منى هديه
هي قالت: فيها اي قالوا: افتحها شوفي

فتحتها لقت الموبيل الي هي كانت عايزا فرحت و
شكرتهم و حضنتهم و طلعت

في غرفه الكس

و هي بتحاول تشغله في حاجه جت معرفتش تعمل اي

قالت تروح لي ادهم اكيد هيعرف لانه ليه في الحاجات دي و لما راحت دقت الباب و ادهم قال اتفضل

ادهم ساعتها كان هيبدا بقراءة القصة الي هي ادتهاله و شاف الكس و حس بنفس الاحساس الي حسه قبل كده

الكس: بابا جابلي الموبايل الي كنت عاوزاه و انا جايه بشغله جالي حاجه ف معرفتش اعمل اي قولت اكيد انت هتعرف تعمله ممكن تساعدني لو مش هعطلك يعني

أدهم:اولا مبروك ثانيه قولت لك لو عايزه اي حاجه تعالي و كمان في اي وقت و علي فكره انت مش هطعطيني يعني مفيش حاجه عادي ثالثا واريلي الموبايل بقي

ادهم شافه و ضبطه و هي قاعده و عمل الي هي كانت عايزه هي كانت عايزه كام برنامج وهو نزلهم و ضبطتهولها زي ما كانت عايزا

أدهم: خلصت في حاجه ثاني عايزاها

الكس: لا شكر بجد تعبتك معايا

ادهم بابتسامه: عادي مفيش حاجه و علي مانا فاكر لما
جيت اشكرك قولتي مفيش شكر بين الاخوه و
الاصدقاء صح والا انا نسيت

الكس: اه صح انت فاكر كويس صحيح أنا اول لما
دخلت لقيت القصة في ايدك خلصتها والا لسه

ادهم: لسه أنا كنت هقراء فيها بس انت جيتي هخلصها
و اجبهالك الصبح عايزه حاجه

الكس: لا شكرا تصبح على خير
أدهم: وانت من اهل الخير

ثم خرجت

ادهم بداء بقراءة القصة بتركيز شديد

"قصه الوحيد"

(جمانة : بابا يلا تعالو انت و ماما هنتاخر علي المدرسه
فين تاله و تميم يالا .
الاب : حاضر أنا جهزت اهو .
الام : ثانيه أنا خلاص قربت اهو . تميم و تاله نزلوا و
الام, الاب خادهم للعرييه و وداهم المدرسه و راح علي
شغله و الام راحت البيت و جهزت الاكل و اتفرجت على
المسلسلات و نامت و بعد ساعه راحت عشان تجيب
عيالها من المدرسه ماري و جمانة و تميم كانوا لسه
صغيرين يعني تميم تقريبا كان في سنه ثانيه ابتدائي
و جمانه كانت اصغر منه بسنه اما تاله كانت اصغر من
جمانه بستتين, الام راحت خدت عيالها زي كل يوم بعد
انتهاء اليوم الدراسي و في طريقه عودتها خدت
ميكروباص عشان يروحوا البيت و هما في الميكروباص
الام قعدت جنب الباب لأن الباب تقريبا كان مفتوح و
دخلت عيالها من جوه, تميم كان قاعد جنبها و تاله
كانت مابين الام و تميم اما جمانة كانت قاعده في
الاخر تقريبا عند الكنبه (هما قاعدين علي الكنبه الي
اوقات بتكون بدل الكرسي الالاب :)
و كان في راجل و ست قعدين قريبين من جمانة

الام قالت: تعالي يا دي قربي مني
فالست ردت عليها و قالت : خليها هي مش مضيقاني
ف جمانة فضلت وقفه قربه منها و بعد شويه جمانة
قالت لمامتها: يا ماما انا عايزه اجي عندك

الست قالتلها:خليكي

و الام قالت: خلاص يا جمانة قربنا نوصل

جمانه أصرت بس في النهايه فضلت مكانها بسبب
اصرار الست و مامتها

ليه يا تري البنت عملت كده!! و اي الي حصل !!

الراجل الي كان قاعد قريب من جمانة كان بيتحرش
بيها,عشان كده جمانة كانت مصره ولما أصرت الراجل
بطل بس هي فضلت وافقه بسبب أن الست قالت
خليكي زي مامتها لما ايدت رايتها

ده كله كانت جمانة بتفتكره كل يوم هي دلوقتي بقى
عندها تقريبا 15سنه و كل يوم كان تفكيرها عباره عن

ليه حصل كده معايا؟! طيب ده حصل فعلا والا أنا
بتخيل والا أنا حلمت بكده ففكرت ده حقيقة مثلا!! و
اني بهلوس!! أنا مش عارفه يمكن انا الي مشتته نفسي
فعلا؟ و دا حصل بس ك نوع من انواع الهروب؟ الكلام
ده جمانة كانت بتقوله و تفكر فيه كل يوم تقريبا و
اختارت متقولش لحد, هي اصلا مش عارفه تقول اي
والا قادره تستوعب الي حصل, هي من النوع الكتوم و
متتكلمش عن أسرارها, و ده كان سرها الوحيد, جمانة
كانت كل لما تفتكر تعيط جامد اوي وتنام, هكذا كانت
جمانة إنسان مجروح .. كانت بتتبسط بس الجرح مازال
موجود هي شخص يؤمن بالله وأن كله للخير بس
برضو الجرح موجود و مش عارفه تتصرف ازاى
تفتكروا ده اي؟؟ حلم؟؟ والا خيال؟؟ والا حقيقة؟؟

تمت (:)

بعد لما ادهم قرأ القصة أتعجب جداً منها و استغرب الي
حصل دا
كان ادهم يفكر و يتسال

ازي يحصل دا لسه صغيره و ليه الراجل عمل كده هل

هو من مرضي ال البيدوفيليا Pedophilia !! اصل اي
الي يخليه يعمل كدا غير كدا !!؟ و الست الي كانت
قعده جمبه كانت عارفه والا كانت مجرد صدفة!! طيب
ليه جمانة مقلتش لحد حتي لو هي مبتتكلمش كان لازم
تقول بس ازي قدرت تستحمل اكثر من خمس سنين
ازاي!! و كمان ازاي الاب و الام متكلموش مع بنتهم!!
مخدوش بالهم!! والا مره حسو أن في حاجه!!
مافتكرش أن في انسان يقدر سيتحمل كل ده و اسئله
كتير بدور في رأسه و مش قادر يلقي جواب منطقي
صحي الليل كله و هو بي فكر في تفاصيل القصة و هو
بيعمل ابحاث عن ال البيدوفيليا Pedophilia و ازاي
يتعامل لو حد حصل معاه كدا و ازاي يتصرف بحكمه
اتجاه الي عندهم ال البيدوفيليا Pedophilia بس في
الاخر غلبه النوم

الباب دق ف صحي ادهم و هو مخضوض قليلا و قال
اتفضل

الكس: بقولك اجهز بسرع قبل ما نتاخر

ادهم: نسيتي تقولي صباح الخير الأول

الكس بابتسامه: صباح النور الاول

ادهم: أنا قرأت القصة و عجبتي اوي و حببت قصدك
من القصة و هي انك تتكلمي علي ال البيدوفيليا
Pedophilia حقيقي عاش عليك حببتها اوي و
حببت بساطتها اوي و خلت دماغي شغاله طول الليل
بفكر و عندي اسأله كثير تقدر تجاوبي عليها

الكس: شكرا .. ممتنه أنها عجبتك و انك قدرت تفهم
الفكره من القصة شكك كدا هتبقى قارئ المفضل, لما
نرجع من المدرسه قولي علي الأسئلة بس دلوقتي البس
عشان متاخرش

أدهم بابتسامه ناعسه: خلاص اتفقنا

الكس مشيت و هي مبسوطه لانها كانت قلقانه من
القصة و انها متبقاش مفهومه

أدهم لبس و نزل و الكل كان مستنيه فطروا مع بعض
مصطفى وصلهم للمدرسه و قال إن مني هي الي

هتروحهم لانه مشغول

ادهم و ليلي و عمر المدرسه كانت جديده بالنسبهم ف الكس و عمرو قرروا يقعدوا معاهم و عرفوهم علي المدرسه و المدرسين و اصحابهم, ليلي و عمر اتعرفوا علي زميالهم الي في الفصل و قعدوا معاهم بقيه اليوم اما عمرو ف قال هيروح لصحابه لانه باله كثير مشفهمش

أدهم قال ل الكس: روجي انتي كمان لصحابك اكيدي بقالك كثير مشفتهمشو أنا لو عوزت حاجه هقولك

الكس: أنا قبل كده قولتلك معنديش صحاب و لو مش عايزني قولي وانا همشي عادي

أدهم: أنا متعود اني ابقى لوحدي معنديش غير صاحب واحد و هو في المدرسة القديمة و بقالني فتره مكلمتهوش لأن اممم مش مهم تعرفي فانا قولتلك روجي لصحابك علشان متكونش مجبره تقعدني معايا بس انا لو كنت عايزك تمشي كنت هقولك بطريقة لطيفة وبس يعني دا قصدي

الكس: فهمتك غلط سوري ف لو معندكش مانع ممكن

تقولي ليه مبقتش تكلم صحبك

ادهم: فضول والا اهتمام

الكس بحرج قالت الاتنين

أدهم ابتسم و قال مبكلمش صاحبي لأن من ساعه لما
بابا و ماما ماتو حسيت أنه مبقاش يكلمني زي الاول
فقولت متكلمش معاه يومين كدا و اشوف الي هيجصل
و مكلمتهوش فعلا و برضو مكلمنيش استنيت فتره بس
برضو مكلمنيش واكتشفت أنه مات بسبب كورونا أنا
مكنتش عارف و فكرت أنه بيعمل كده بسبب أن ماما و
بابا ماتوا و زعلت و من ساعتها مبحبش اقرب من حد و
كمان مامته ماتت و أخته الكبيره هي الي قالتلي و
اصلا أبوه ميت من خمس سنين, بس ده الحكايه طيب
وانت ليه مش عندك صحاب بقي

الكس: أنا محدش بيحبني أو ده الي أنا حاسه مش
عايزه اقرب من حد قوي عشان مندمش, عشان بيشتمو
و بيكلمو ولاد وكده او تقدر تقول لسه ملقتش الصحاب
الصح التمام

أدهم: اولا احنا بنحبك و مش مهم الناس الغريبه ثانيا
ممکن لو قربتي متندميش و حتى لو خذلوكي هما الي
خسرو وکمان هتكوني اتعلمتي الدرس و کويس انك
مصحبتيش دول بس اكيد في ناس کويسين اتصحبني
عليهم بس ده مش ضروري لو انت مرتاحه و انت
معندكيش صحاب, مش شرط يبقي عندك صحاب يعني
طول ما انتي مش حاسه بوحدده او مش مهتمه يعني
بعدا أنا و ليلي و عمر و عمرو مش صحابك!! بتقولك
كده وبس شكلك

الكس: شكرا علي كلامك الحلو ده و انتو علي فكره
اخواتي و صحابي مش بقول كلام و خلاص انا, انت
كان سؤالك عن أصحابي الي في المدرسة مش سؤال
عام و تعالی نتمشي شويه بدل ما حنا قعدين كده زهقت
من القعهده

أدهم بهدوء قال ماشي يالا

الجرس رن يعلن انتهاء اليوم الدراسي, قعدو مع بعض
عمر ليلي أدهم عمرو و الكس يلعبوا يهزوا و يتكلموا
في مواضيع مختلفه

استنوا شويه بعدا جه مصطفى و خدهم و روحهم وقال
لادهم خلي بالك منهم كويس هما اخواتك و متنساش ده
انا عندي شغل ضروري و مش عارف هرجع امتي و مني
كمان عندها شغل مش هنعرف نتكلم معاكوا لفتهه خلي
بالكم من بعض, مش عارف هرجع امتي أو هبيت قد اي
بره البيت انتو معاكوا فلوس و كل حاجه موجوده في
البيت, لما الاكل يخلص روح انت يا ادهم وهات الي
انتو محتاجينه, غير كده متخرجوش من البيت أنا
همشي دلوقتي و المدرسه محدش هيروح غير لما أنا
اجي اتفقنا

كلهم في صوت واحد: اتفقنا

راح ادهم مع مصطفى وقال

ادهم: في اي حصل

مصطفى: مش هينفع اقول حاجه دلوقتي اعذرني و
خلي بالك منهم و من نفسك كويس

ادهم: حاضر ان شاء الله خير و هترجعو و تحكولنا

كمان, خلاص روح عشان متتاخرش في رعايه الله

ودعه الجميع ثم ذهب

بعد لما مشي مصطفى ادهم دخلهم يناموا و هو قعد يفكر اي الي ممكن يكون حصل, بعد ساعات الكس راحتله الغرفه بتاعته و قالتله: اي الي حصل قالك حاجه

أدهم: مش عارف بس اكيد خير متشغليش بالك وتعالى نلعب تمارين لو صاحين و بعد كده ناخذ الشور بتاعنا و ناكل و نتفرج علي فليم بعد الغدا و كلنا نذاكر مع بعض و بعد كده نلعب

الكس و ادهم راحو يصحوهم و لعبوا تمارين و برده حاسس ان حبه لالكس بيزيد خدو دش و كالعاده أدهم منشفش شعره و المره ده الكس اول مره تفكر في أدهم يعني كل مره كانت بتشوفه جميل بس المره ده غير كل مره, وعملو الاكل مع بعض و اتغدو أدهم عمل كيك التفاح الي هما بيحبوه و خاصه الكس و كلوه وهما بيتفرجو علي الفيلم من اختيار ليلي, بعد انتهاء الفيلم أدهم اختار يذكرو مات و

الكس دراسات و عمرو انجليش و عمر سينس و ليلي
اختارت ترسم ف هي موهوبه

كان لازم كلهم يتفقوا علي ماده واحده و عملوا زي
قرعه ف ليلي و عمرو و أدهم اختارو الرسم عمر و
الكس الانجليزيه . بس الأغلبية هي الي تكسب, يعني
الرسم هو الي كسب بس ادهم اتفق معاها يذاكروا
انجليش بعد لما يرسمول

كل واحد خد ورقه و قلم رصاص و الالوان قدامهم و
بدائو يرسمو قعدوا وقت كثير بعد كده الكس خلصت
لأنه اصلا بترسم من زمان و عمرو و ليلي و عمر و اخر
واحد كان ادهم, كل واحد واره الرسمه الي عمالها
بترتيب حسب مين الي خلص الاول, الكس رسمت
أشجار و نخل و زرع اخضر و التربه يعني تقريبا رسمت
زي غابه و قالت الرسمه ده من رأيي أنها الحياه الي اي
حد يتمناها حياه في الطبيعه.

و عمرو رسم الاهرامات لانه بيحبها و بيحب
المجسمات, عمرو قال إن الاهرامات من رأيه بترمز
للقوه الحب و الثقه الي الفراعنه كانوا واثقنها في
نفسهم و الدقه في كل حاجه اتعملت بيها الاهرامات.
ليلي رسمت زي ملاهي للاطفال و ليلي قالت من رأيي
أن الملاهي ده حاجه حلوه و مفروض ناخذ كل موقف

في حياتنا بطريقة كويسه يعني الملاهي ده للاطفال
ناخد الموضوع من وجهة نظر الاطفال و ملاهي الكبار
يعني ناخد الموضوع من وجهة نظر الكبار, كل واحد
علي حسب رؤيته للموضوع و ناخذ راحه من فتره
للتانيه.

عمر رسم عربيه بس مقلوبه و في ناس جواها و ناس
بره واقفين قدمها, عمر قال العربيه ده زي الأرض و في
ناس علي الارض بس ميتين و في ناس عايشين بره
الأرض بس عايشين زي لما العربية اتقلبت بينا و أنا و
ليلي و أدهم بره و عشنا بس ماما و بابا جوه العربية و
ماتو في حاجات في الارض غير الي بره الأرض في
ناس عايشين عليها بس ميتين و ناس عايشين بعاد
عنها كأنهم مش عايشين بس هما عايشين نوع من
المشاعر الصعبه شويه.

عمر رسم بدقه شديده و تعمق لأنه بياخد كورس في
الرسم و كمان أدهم بياخد كورس مع عمر .
أدهم رسم شغبيط و في وسط الشغبيط دي في طياره
و عربيه من تحت و ارض زي ارض الصحراء أدهم قال
إن ده بيرمز لي أن في ناس فوق و ناس تحت مع أنهم
في نفس المكان و الشغبيط ده بترمز لي أن هما زي
بعض لو قالو احنا فوق او قالو احنا تحت كلهم زي

بعض في مكان واحد تحت ظل واحد و الظل ده بيرمز
ل لله الي بيدينا و بعدين يفكرنا أنه الي ادانا و انه فوق
كل حاجه و قادر علي كل حاجه
استريحوا بعد ما خلصوا بس مقدروش يكملوا مذاكره
ف راحوا يناموا

الفصل الرابع

و هما رايحين يناموا أدهم راح لالكس و قال لها:
اتفضلي القصة آسف لاني نسيت ادهالك الصبح اصل
كان في دماغي اسئلة كثير و نسيت المهم ممكن تديني
القصة الثانيه الي قولتي انك قربتي تخلصيها قبل ما
انسى يعني

الكس: عادي لو عايزها شويه عادي خليها معاك

ادهم: لا شكرا أنا خلصتها و فاكر كل تفاصيلها

الكس: طيب ماشي ثانيه واحده

ادهم: علي راحتك

الكس جبتها وقالت: اتفضل

أدهم: شكرا تصبحي علي خير بقي اسيبك تنامي

الكس: وأنت من أهل الخير

الكس نامت و أدهم و الكل و ثاني يوم الصبح صحيو
بدري اول واحد صحي كان ليلي و راحت عند ادهم و
صحته لأن الكل كان صحي و هو لا قالت له :كل الوقت
ده نايم مش من عوايدك النوم الكثير قوم كلنا صحينا
وانت لسه يالا قوم

ادهم:طيب ماشي أنا هقوم اهو, قومي و اعلمي الي
وراكي يالا

ليلي طلعت و أدهم قعد يفكر يطلع والا يقعد وفي
الاخر قرر يقوم لبس و طلع و لقي الكل قاعدين و
مستنينه و الكس هي الي عملت الفطار و هو سعمها
مكنش نزل

سالهم قائل مستنيني ليه !!؟

عمرو : انت اكبر واحد فينا و عايزينك تقعد معانا و
كمان أحنا صحاب فازاي نفطر من غيرك

الكس: وكمان عايزين نعرف لو انت عارف اي حاجه عن
بابا و ماما محدش كلمك!!

أدهم : آسف على التأخير و كنتو تقدرؤا تفطرو من
غيري و مامتك و باباكي انا معرفش عنهم حاجة بس لو
كلموني يا الكسندرا هبلغك

و هما بيפטرو ادهم قالهم أنه هيروح يجيب حاجة بعد
لما يخلص اكل
خلص و ليلي قالت له أنا عايزه احي معاك اجيب ايس
كريم الشوكولاته
فرد عمرو و قال و انا عايز شيبسي و كولا اما الكس
فقلت وانا عايزه ورق رسم

ادهم : وانت يا عمر

عمر : مش عايز حاجة

أدهم: شوف لاني مش هنزل تاني دلوقتي

عمر : طيب شوف انت أنا مش عارف

ادهم : ماشي حد عايز حاجة تاني

ليلي : أنا هاجي معاك

أدهم: لا لأن عمو قال محدش هيخرج غيري تمام والا لا

ليلي : لا أنا هاجي

الكس : خلاص خدها معاك مش هيحصل حاجه يعني و
متتاخرش

ادهم : طيب ماشي خلي بالك منهم و لو افكرتم حاجه
رانو عليا

ادهم خرج و اشترى كل احتياجاتهم و رجع متاخر قليلا
اتجمعوا و ذاكروا كل واحد مادته ف ادهم خلاهم
يخصصوا وقت معين للمواد و بجداول ساعدهم فيها,
بعد كده ليلي دخلت تنام و الكس دخلت الغرفه ترسم
اما عمر و عمرو قعدوا يلعبوا مع بعض فيفا, ادهم دخل
عشان يقرأ القصة ف هو قرر ميتاخرش عليها و يخلص
بسرعه و يدهلها

بدأ يقرأ القصة بهدوء

"قصه القائد"

(في يوم ما في ارض الصحراء فارس هو القائد بتاع الفريق و شهاب أخو فارس و معاهم ادهم و ياسر و رانا بس رانا كانت في مكان ثاني . و هما من المخبرات و جم في مهمة وخلصوها بس ممشيوش لانهم كانوا بيحرسو الحدود فاجاه في حد جي من بعيد هما الاربعاء ووقفو إستعداد عشان يهجمو بس الحد ده أغمي عليه بسبب رصاصة في الكتف و ده كانت بنت حاولوا يفوقوها بعد لما شالو الرصاصه من كتفها و لما فاقت هما قالو :انت مين و اي جابك هنا و ازاي اتصابتي البنت : انا اسمي فرح و أنا جيت أبلغكم خبر بس و أنا في الطريق في حد هجم عليا و أنا شرطية و جايه اعرف اي حاجه عنه لقيت في عربيه جيه و بتضرب نار و أنا حولت اهرب وانا بهرب اتصبت و الخبر الي كنت جايه أقوله هو أن المخبرات عايزه الفريق ده عشان الي بيحصل في البلد هما معرفوش يوصلكم . و البنت وهي بتتكلم اغم عليها ثاني . فقال شهاب أنا هروح اتاكد من هوياتها و الكلام ده .

ياسر:طيب ماشي و أنا كمان هاجي معاك عشان لو طلع في حاجه في الطريق متكنش لوحداك .

فارس: طيب ماشي بس خلو بالكم من بعض و حاولوا
تيجوا بسرعه و انت يا ادهم روح شوف رنا كل ده
مجتش ليه و هاتها و تعالي انت وهي و قول لها اي الي
حصل و هات اكل معاك .

ادهم: حاضر أنا هروح دلوقتي .

أدهم فضل جنب البنت لحد لما فاقت و عملها تاكل و
كلت و بعد كده عرف انها من قسم المخبرات و شاف
الشاره بتعاتها و قالت له عن المهمه بالتفصيل و أدهم و
رانا جم و ثاني يوم الصبح جهزوا الشنطه بتاعتهم و كل
حاجه و كلمو ياسر و شهاب من التليفون الخاص
بالفريق و فارس قال خليهم و هما هيروحلهم عشان
المهمه بعد لما راحو عند شهاب و ياسر .

المهمه كانت أنهم يخترقو مكان فيه ميكروفيلم و فيه
حاجات تخص البلد و اسماء الجواسيس المصريين
خارج مصر و لو عرفوهم هيقتلوهم عملوا خطه يجبوه
ازاي و بدائو الشغل, كل واحد الي كلفه بيه فارس .
فارس بدأ يعجب ب فرح يوم وأري يوم, بعد لما كل
واحد عمل الي مطلوب منه جه وقت الي يهجمه فيه
علي المكان لأن المكان كان متحصن كويس جدا في
المكسيك.

عرفوا يدخلو المكان بس و هما جوه ياسر اتقوص عليه

و أدهم اخده و خرجه بره المكان و فارس بيغطي فرح
و شهاب بيغطي رانا و فارس وصل لحد الخزنه الي فيها
الميكروفيلم و هو رايح عندها شاف في حد جاي فاراح
يشوف مين و خلي شهاب يفتحها هو و هو يشوف
اتقوص و فرح جريت عليه بس هو قال لها تروح و
تامنهم و هو هيتصرف, شهاب طلع لانه عارف أخوه
بيعمل اي كويس و انه دايمًا بيحسبها صح, خد رانا و
فرح بس فارس مطلعش و هي جريت بسرعه عشان
تشوف اي حصل و هي دخله المكان من فوق
اتفجر وقعت هي بسبب الانفجار بس قامت بسرعه
عشان تشوفه راح فارس جه بسرعه نحيتها مسكها من
ايدها يشدها يركبوا الطائرة لأن مكنش في وقت,
مشيوا و راحوا الفندق بأسماء مستعارة الي داخلو بيها
و هما في الفندق قدرو يشيلو الرصاصه من ياسر و
فارس و وقفو النزيف و كل واحد قعد في غرفه لوحده
عشان ميتكشفوش و في الليل فارس راح لفرح و قعد
معاها و اتكلمو وبعد كده قال لها : أنا بحبك من ساعه لما
شوفتك اول مره بدئت اعجب بيكي بس انا دلوقتي
بحبك و بعشقق قوليلي لو انت مرتبطه أو في أي علاقة
في حياتك عشان ابقي عارف
فرح: عارف أن أنا بحبك من سنة

فارس بصدمة: لا ازاي اصلا واحنا اول مره اتقبلنا و
نتعرف كانت من شهر ازاي بتقولي سنه
فرح: أنا عارفك من سنه أنا بقالي سنتين شغاله في
الشغل ده و انت قبل لما تروح الصحراء كنت هاجي
اقول لك بس معرفتش لأني طلعت مهمه بس المهم
دلوقتي أنا بموت فيك

فارس : اقولك حاجه تصدمك
فرح : قول

فارس : انت قولتي بقالك سنه بتحبيني أنا بحبك من
ساعه اول مره شوفتك فيها يعني بقالي حوالي أربع
سنين من يوم الي شوفتك فيه في الكليه أنا عارف انك
اصغر مني بسنه اول سنه ليكي و أنا بحبك و بعد الكليه
عرفت أن انت بقيتي تشتغلي في قسمي و علي فكره
كمان أنا الي طلبت من المدير تيجيلي في الصحراء و
انت لانك بتحبيني وافقتي من غير تفكير وانا كنت
مستغرب من الموضوع ده بس دلوقتي عرفت عرفت
السبب يعني

فرح : أنا بحبك علي فكره ممكن احضنك
فارس: أنا كلي ملكك اتفضلي اعلمي الي انت عايزه
حتى لو تقتلني

فرح : اولا بحبك مستحيل اقتلك ثانيا و أنا كمان

سلمتلك روجي أنا كنت عارفه أن ربنا هيعوضني عن
موت بابا و ماما

فارس: حبيبتي ربنا يرحمهم و دايمًا تكوني جنبي يا
حياتي .

فارس قام وقف طلع خاتم من جيبه و قال : تقبلي انك
تتجوزيني

فرح :اكيد اقبلك يا عمري, و بعد كده قالت طيب اي
رايك نتجوز في السفارة و نقعد هنا كام يوم .

فارس: أنا معنديش مشكله بس يومين بس عشان بابا
عرفت أنه تعبان شويه

فرح :خلاص نتجوز و نمشي على طول و نبقى نيجي

في اي وقت احنا عاوزينه تمام والا ممكن عمو يزعل

فارس:لا مش هيزعل وانا على فكره انا كلمته و قولتله

أن أنا هتقدملك وهو قالي لو وفقتي نتجوز هنا لانه

عارف انا بحبك قد اي و قال نبقى نعمل الفرح في مصر

البيسي و أنا هلبس و هقول للشباب تمام

فرح: تمام

جهزوا و راحوا السفاره و اتجوزو و رجعوا علي الفندق

و كل واحد طلع الغرفه بتاعته و شويه فارس حس أنه

طالما اتجوازاها ليه هيقعد لوحده و فكر يقوم يلبس و

لبس و راح عند فرح خبط راحت فتحت علي طول اول

لما عرفت أنه فارس من غير ما تغير لبس النوم و هو
أول لما شافها من كتر حب الي فارس حبه لفرح
مقدرش يمسك نفسه ابدأ و راح باسها و هو بيبوسها
قفل الباب و هي كانت اقصر منه فشالها و راح علي
السريير

جه معاد الطيارة و راحوا علي مصر و عملو فرح و بقوا
عاشين في سعاده
تمت (:

ادهم بعد لما قرأ القصة بقا يحب الكس اكر و اكر
تاني يوم في وقت الغداء قال لها أن القصة جميله و انه
حايها

الكس : أقدم اني واحده بقي الاوله والا الثانيه !؟

أدهم : أنا مش عارف الاتنين حلوين بس الاوله حزينه و
الثانيه حب ف افضل الثانيه

الكس : شوفت مش أنا قولت لك أنها مش هتعجبك.

ادهم : ايوه قولتي بس هي حلوه يعني

و هما بيتكلمو مصطفى دخل و كان حزين اوي و قال
بشبح هستريه : أنا آسف يا ولاد لاني معرفتش انقذ
امكم سامحوني.

ادهم خلي الكل يطلع على الغرفه و يقعدوا يلعبوا عدا
السكندرا و هو نزل و قال: احكي لي اي حصل و ليه
محدثش جه من أول امبارح

الكس بكسره تحاول ان لا تبكي: بابا هي ماما ماتت

مصطفى : احنا كنا في مهمة و احنا خارجين هي كانت
قدامي و في حد ضرب رصاص من فوق و معرفتش
الحقها و اتقوصت بعدا غبت عن الوعي و لقيت نفسي
في المركز

الكس طلعت علي الغرفه و قعدت تعيط و ادهم قال ل
مصطفى: طيب وانت هتعمل اي

مصطفى: المهمه لسه مخلصتش أنا لازم اروح و اعمل
حاجات لو مرجعتش خلي بالك من عيالي و اخواتك
كويس جدا

مصطفى طلع يفهم عياله و ودعهم و مشي

ادهم طلع يفهمهم و يقعد معاهم, خالاهم ينامو و راح
عند الكس و اتكلم معاها و هي كانت منهاره من العياط
وهي منهاره حضنته و بعد لما هديت قالت : أنا اسفه
لاني حضنتك و شكرا ليك لانك دايمما بتريحني و بتقف
معايا شكرا

أدهم: عادي محصلش حاجه و أنا هروح أنا تصبحي
علي خير

الكس : و انت من اهل الخير

ادهم قال عادي محصلش حاجه بس حصل كتير اوي
هو شاب و كمان بيحبها يعني

عدت الايام و

مصطفى رجع بعد شهر و هما في الشهر ده كانوا
خايفين جدا لان مصطفى بعد أسبوعين من ساعه لما
مشي رن و قال إنه بيموت بس هو رجع والكل بقي
مبسوط و خلاص راس السنه بعد بكره و مصطفى
خادهم و راح يشتري الشجره و الزينه و الاكل و

الحلويات و كل حاجه و بعد لما راجعو مصطفى طلع
ينام و هما قعدوا عملوا الشجره و ناموا عشان الصبح
هيروحو يشتروا لبس جديد

في الصبح الكل فطر و راحوا يجيبوا البس و اشتروا
لبس جميل اوي ادهم جاب بنطلون و تيشرت كالعاده
بتاعته و ليلي جابت هي و الكس شورت و تحتيه
بنطلون كارينه و تيشرت قصير و عمر و عمرو جابو
جاكت اسود و تيشرت ابيض و بنطلون اسود.

يوم راس السنه خرجوا طول اليوم و لعبوا و هيسوا
جابو حلويات و كيك لأن كان عيد ميلاد ادهم الصبح و
هيهتفلو بيه الساعه 12 و احتفلوا فعلا ب ادهم و الكل
بقي مبسوط و ادهم بقي عنده 20 سنه

بعدها بشهر مات عمر بكونا مقدرش يستحمل بس
كلهم عرفوا يعدوا منها إلا هو لان مناعته كانت ضعيفه
بعدها بست شهور مصطفى مات بسبب ازمه سكر و
محدث عرف يلحقوا ساعتها

الكس خلصت امتحانات تالته ثانوي و دخلت كليه

تجاره لأن ده كانت الي هي عايزاه اما ادهم فدخل كليه
شرطه

عمرو بقي في ثانيه ثانوي و ليلي في أوله ثانوي .

في يوم ادهم بعد لما رجع من الجامعة كان شارب لانه
كان مضايق اوي و الكس كانت في البيت اما عمرو و
ليلي كانوا في الدرس و الكس اخذته عشان تحاول
تفوقوا و أخذته علي الحمام تحت الدش وقالت: انت
من امتي بتشرب ها انت قولى انك بتشرب بس سجائر
ليه بتشرب القرف دا

أدهم: ده اول و اخر مره لو انتي عرفتني اي الي حصل
معايا

الكس : طيب قول اي الي حصل أنا سامعه

ادهم : أنا بحبك و بموت فيكي من زمان تقريبا من
ساعه لما جيت و انهارده في واحد معايا في الكليه قال
إنه عايز يتجوزك وأنه بيحبك و أنا مقدرتش امنع نفسي
و ضربته و فصلوني من الكليه شهر قال اي؟! لاني
مقصر معاها فرحت شربت قوليلي اي حاجه متسبنيش

الكس : انت بتحبني علي اي ها قولي

ادهم: بحبك من غير سبب أنا بس حبيبتك الكسندرا
حبيت كل حاجه فيكي كل تفصيله صغيره فيكي

الكس : حبيتني والا بس عشأن تنام معايا كلكم زي
بعض انت عايز بس تملكني وانا مش ملك اي حد أنا
ملك نفسي و بس و علي فكره انا في يوم من الايام
كنت بحبك بس دلوقتي لا انت عايز اي أنا رايحه
الاوله

وهي ماشيه مسكها من أيدها من غير ماتلف وقال : أنا
فعلا بحبك الكسندرا قوليلي اعمل اي, اي حاجه و أنا
هعملها اي حاجه و علي فكره انا لو كنت مش بحبك
مكنتش ضربت صاحبي و كنا اتفقنا عليك بس انا
بحبك وكتير كمان للموت امشي دلوقتي و شكرا لانك
ختي بالك مني

الكس مشيت و أدهم رجع يشرب لانه عايز ينسي كل

الي حصل في حياته لانه تالم كان يعلم انه نوع من الهروب و لكنه اكتفي وعد نفسه انه لن يشرب مره اخري فقد الليله.

عدي اسبوع و اتنين و ثلاثه و لم يحدث جديد

بعد تلت اسابيع الكس مقدرتش تستحمل ادهم و هو بيشر ب و راحتله و قال انت جيتي ثاني ليه ها مش انت موافقتش والا أنا الي الي مقلتلكيش اني بحبك جايه ليه

الكس: جايه اقولك ان الي انت بتعمله ده غلط كبير و كمان ليلي و عمرو متضايقين منك و الي انت بتعمله ده بيضره بلاش تكون اناني كدا و كمان علي فكره اسبوع و الفصل يخلص و ترجع علي الكليه و اكيد لو عرفوا هيطردوك مش هيفصلوك بس كده كتير اوي و أنا بدأت اتضايق

أدهم: طيب اعمل انت مش موافقه و قولتلك قبل كده لو هتكوني معايا مش هشر ب و حتى السجاير هبطالها بس انتي الي مش موافقه اعمل اي و عادي يعني لو

ليلي و عمرو خايفين عليا ممكن اسيب البيت و اعقد
في اي حته, انتي لو كنتي معايا أنا هبطل

الكس عيطت و بعد كده جريت علي غرفتها و قفلت
الباب, ادهم جري بسرعه و اراها و قعد يخبط كتير و هي
قعده تعيط لحد لما زهقت من خبطه فقامت تفتح الباب
و دخل و بعد كده قفلت الباب بعد لما مشت ليلي و
عمرو

قال : قوليلي ليه ليه كل يوم بتعيطي و مش موافقه
تكوني معايا مع انك متأكده اني بحبك ليه؟ ليه كل الي
بتعمليه ده؟؟

الكس: أنا هقولك بس بعد كده متسالنيش علي
حاجه ثاني و متقطعنيش و انا بتكلم او مي لها فكملت
فاكر القصة الي انت قرأتها ساعه المسابقة !!

ادهم : أنا قرئت كل قصصك اني واحده ؟!!

الكس: اول واحده قرأتها

ادهم : اه فاكرها اي الي دخلها في الموضوع ده دلوقتي

الكس : البنت ده هي أنا وانا صغيره الراجل ده اعتداء
عليا وانا ساعتها معرفتش اعمل اي و أنا لما اديتك
القصه ساعته و قبلها بكام شهر كنت بفتكر اي الي
حصل يعني وانا صغيره مكنتش عارفه اي الي حصل
حتي لحد دلوقتي أنا مش فاكراه بعد الي حصل أنا
عملت اي او قولت لحد مش فاكراه الي مكتوب في
القصه هو ده الي أنا فاكراه عشان كده مش عايزاك تقرب
مني عشان كنت فاكراه اني لما اقولك ابعدهت بعد بس
انت مبعدهت عشان كده طول الوقت كنت بعيط أنا
مش عارفه اذا كنت بنت او لا لأني مش فاكراه بالظبط
اي الي حصل فاديني قولت لك كل حاجه بس لو
سمحت متقولش لحد لاني وثقت فيك و لاني حبيتك
فعلا

ادهم بهدوء: تقبلي تتجوزيني ؟

الكس: بعد كل الي حكتهولك عايز تتجوزيني

أدهم: ايوه انا مش بهزر حتي لو عايزه دلوقتي أنا
معنديش مانع و علي فكره انا آسف

الكس: آسف ليه علي اي

أدهم: لاني في الأسابيع الثلاثة دول أنا مكنتش بسكر أنا
كنت بمثل اني سكران عشان تقولي لي أنا بحبك بس
التمثيليه منفعتش و زعلتي مني و كمان آسف بنبابة
عن ليلي و عمرو لانهم كمان كانوا معايا و ليلي و عمرو
عارفين أن أنا بحبك آسف لاني قولتلهم بس انا كان لازم
اطلب ايدك الأول ها مردتيش على سؤالي تقبلي
تجوزيني يا عمري

الكس : أنا بحبك بس انا مش عايزاك تعمل كده لانك
بتحبني لان الحب مش كل حاجه فاهم

أدهم: الحب و العشق و الثقة كل حاجه بنسبالي انتي
موافقتيش مع انك كنتي تقدري تجوزيني من غير لما
تقولي لي و هتكوني ست متجوزه بس انت و ثقتي فيا و
قولتي لي وانا حبيتك اكر و اكر و احترمتك انك
قولتي لي الاول

الكس: طيب أنا قولت لك قبل كده اني بحبك

أدهم بتفكير و هو مبتسم: لا

الكس : أنا بحبك و مع كل نفس بحس اني بموت في
حبك اكثر

أدهم: طيب مقولتيش موافقه تتجوزيني؟

الكس : انت مسالتش ثاني

أدهم : تقبلي تتجوزيني!؟!

الكس : موافقه و الف موافقه أنا بحبك

أدهم: طيب يالا نروح نفرح ليلي و عمرو

الكس: ثانيه بس هتقول اي لو سالوا

أدهم : هقول انك كنتي بتتدلعي علشان ابطل شرب

الكس: بحبك خلاص ماشي يالا

ادهم و الكس راحوا عشان يقولوا لليلي و عمرو بس و
هما هيخبطو علي الباب سمعوا عمرو بييتقدم لليلي و
هي قالت موافقه .

ادهم بحزم قال الكس : متقليش أن احنا سمعنا حاجه

الكس : حاضر

خبط ادهم خبطه و فتح الباب كانوا مسكين ايد بعض
قبل لما يتكلموا لليلي قالت : الي فهمته ده صح بقيتوا
مع بعض

الكس : ايوه بقينا مع بعض و كمان هنروح عشان نتجوز

عمرو : طيب بما انكو اتصالحتم هقدر اتكلم بقي

ادهم : عايز تقول اي اتكلم

عمرو : أنا اتقدمت لليلي و هي وافقت و أنا عايز
موافقتكم كمان

ادهم : و لو موافقتش هتعمل اي

عمرو : هعمل اي حاجه عشان توافق زي ما عملت مع
الكسندرا قولي اعمل اي

ادهم: متعملش حاجه أنا موافق بس كنت عايز اعرف
كنت هتعمل اي لو موافقتش و علي فكره احنا سمعناك
لما اتقدمتها و هي وافقت ليه يا ليلي مختيش رأيي
الاول

ليلي : لاني عارفه انك عارف اني بحبه و موافق

أدهم : ماشي يا ليلي و انتو الاتنين خلوا بالكم من بعض
بس علي فكره هتخطبو بس و لما تدخلوا الكليه ابقو
اتجوزوا و اعملو الي انتو عايزينه

ليلي و عمرو: تمام اوي

الكس : طيب محدش هيسالني علي رأيي؟؟.

ليلي : متقوليش انك مش موافقه

عمرو : ها اي رايك

الكس : طبعا موافقه ازاي موافقش أن القمر دا تبقي
مرات اخويا

ادهم و الكس راحوا يتجوزوا و ليلي و عمرو اتخطبوا
و كان فرح بسيط جدا علي الشاطيء و كانت فكره
الكسندرا لانه حلمها و ادهم لم يتردد في تحقيقه

بعد تلت سنين

عمرو بقي في ثانيه هندسه و ليلي بقت في اوله
هندسه هما الاتنين بقوا مع بعض لانهم اتجوزوا اول لما
اتخرجت ليلي من الثانويه
ليلي حامل و قررت تسميه فارس لانه اول ولد ليها و
كمان عمرو بيحب الإسم ده, ادهم و الكس اتخرجو و
ادهم بقا شرطي و له سمعته, خلفو ولد اسمه امير و
تاؤمه أميره و بقي عندهم تلت سنين دلوقتي عاشوا مع
بعض سنين جميله متفاهمين و دايمًا حاسيين ببعض و
دايمًا مع بعض قدام اي مشكله و سعداء مع بعض

في يوم من الايام ادهم مسك قضيه أبوه الي هو كان
ماسكاها و الي كانت سبب موته قدر يقدر يقبض عليهم
بامتياز كبير و خد ترقيه كمان
و هكذا كانوا عايشين في حب سعادته و تقدم.



Alexandra
by demiana ___

